



Clypevs Theologiæ Thomisticæ

Continens Tractatus de erroribus Pelagianorum, de Gratia, de
Iustificatione & Merito, de Virtutibus Theologicis, & quatuor Cardinalibus,
ac de ineffabili mysterio Incarnationis

Gonet, Jean-Baptiste

Parisiis, 1669

§. I. Prima nota veræ Ecclesiæ, unitas,

[urn:nbn:de:hbz:466:1-77342](#)

21. Objiciunt quarto: Post Concilium Ariminense, in quo per fraudem Arrianorum formula fidei fuerat immutata, scribit Hieronymus toto orbe Arrianorum hæretum viguisse: *Totus orbis, inquit, ingenuit, & miratus est serpente factum Arrianum*: Ergo tota Ecclesia potest à fide deficere, & labi in errorem.

22. Respondeo in Ecclesia tunc temporis fuisse quamplurimos qui non obstante Arrianorum fraude & perfidiâ in fide orthodoxa fortiter perseverunt, ut Hilarius Pictaviensis, & cum eo tota Gallia, quæ ab ejus partibus maximè stabant, ut ex eo patet quod cum ab exilio reverteretur, eum tota Gallia quasi ovantem & triumphantem de hæresi complexa fuerit, & ex eo quod dicit Hieronymus Galliam, frementibus hæresibus, caruisse montris. Item persistebat eo tempore in fide Clerus Romanus cum Papa Felice, qui in locum Liberij post ejus lapsum suffecitus fuerat, multique alij qui neque Imperatoris Constantij minis, nec fraudibus Arrianorum, à vera fide unquam dimoveri potuerunt. Unde Hieronymus verbis relatis significare tantum voluit, plures tunc provincias ad Arrianorum partes, propter ementitum illud Concilium Ariminense, commigrasse. De quo videri potest Baronius ad annum Christi 358.

23. Objiciunt quinto: Summus Pontifex, qui est caput Ecclesie, potest in fide errare: Ergo & tota Ecclesia, non enim debemus in corpore majorum quam in capite infallibilitatem admittere, cum illud ab isto regatur.

24. Respondeo dato Antecedente, de quo infra, negando consequentiam & paritatem. Ratio vero dispartiarum est, quia potest Summus Pontifex aliquid sentire & credere contra fidem, absque eo quod propterea excidat à dignitate capitatis ipsius Ecclesie; satis enim ipsi est ad illius dignitatis conservationem, quid nihil adversus fidem doceat, quia in sentiendo & credendo se habet tantum ut persona particularis, & solidi in docendo ut caput. At vero si Ecclesia, etiam præcisè in sentiendo, à fide deficeret & incideret in errorem, eo ipso desineret esse Ecclesia sive sponsa Christi, cum per fidem illi despontetur, juxta illud Osee 2. *Sponsabo te mihi in fide.*

25. Objiciunt ultimo: Ecclesia est libera in credendo mysteriis nostræ fidei: Ergo potest nolle ea credere, subindeque à fide deficere.

26. Respondeo quod licet Ecclesia absolutè, & nullâ factâ suppositione divinae promissionis, sit libera in credendo tam libertate contrarietatis, quam contradictionis; ex hypothesi tamen promissionis divinae, est quidem libera in credendo, libertate contradictionis, non tamen contrarietatis, subindeque non potest in fide errare, cum ad hoc non sufficiat libertas contradictionis, sed requiratur insuper libertas contrarietatis. Potestque haec solutio explicari & illustrari exemplo Christi, qui supposita sua impeccabilitate, non erat liber circa mortem sibi à Patre preceptam, libertate contrarietatis, sed duntaxat libertate contradictionis. De quo fuisse in Tractatu de Incarnatione.

Diss. 21.
411. 3.

ARTICVLVS II.

Quæ sint notæ veræ Ecclesiæ, & an illæ soli Romanæ Ecclesiæ competant?

27. **T**ria in hoc articulo præstanta sunt. Primo explicandæ sunt notæ veræ Ecclesiæ in Symbole Niceno his verbis expressæ: *Credo in unam, sanctam, catholicam, & apostolicam Ecclesiam*. Secundò offendendum est, quatuor illas veræ Ecclesiæ notæ, Romanae convenire Ecclesiæ, illamque esse unam, sanctam, catholicam, & apostolicam. Nomine vero Romanæ Ecclesiæ, non intelligimus solam fidelium societatem urbe Româ inclusam, ut fingunt aliqui Adversariorum, sed totam illam multitudinem hominum, qui ubiqui que terrarum unam & eandem fidem profitantur, sub uno eodemque Pastore universali, Romano Pontifice, cui tanquam capiti Ecclesiæ, visibili Christi Vicario in terris, & legitimo Petri successori adhaerent. Tertium quod nobis probandum incumbit, est quatuor prædictas veræ Ecclesiæ notæ, Lutheranorum & Calvinistarum sectæ minimè convenire.

§. I.

Prima nota veræ Ecclesiæ, unitas.

28. **V**eram Ecclesiam esse unam docet Scriptura pluribus locis Cantic. 6. *Vna est amica mea, formosa mea, columba mea. Joan. 10. Fieri unum ovi & unus Pastor. Ad Roman. 12. Multi unum sumus. Unde egregiè Cyprianus lib. de unitate Ecclesiæ, cap. 3. Ecclesia Domini luce perfusa, per orbem totum radios suos porrigit: unum tamen lumen est, quod ubique diffunditur & nec unitas corporis separatur. Ramos suos in universam terram copia ubertatis extendit; profuentes largiter rivos latius expandit: unum tamen caput, & origo una, & una mater secunditatis successibus copiosa. Illius fons nascimur, illius latte nutritur, spiritu eius animamur. Adulterari non potest sponsa Christi, incorrupta est & pudica, unius domum novit, unius cubiculi sanctitatem casto pudore custodit.*

29. Porro multiplex est Ecclesiæ unitas, multisque modis illa una dicitur: Primo unitate principij, nempe Dei vocantis, & Christi eam fundantis & instituientis. Quo sensu veteres Patres, potissimum Tertullianus in Apologetico cap. 39. mirantibus paganis, quod Christiani se fratres nuncuparent (quo nomine mutant inter se unitatem significabant) respondebant: *Frates sumus, qui unum patrem Deum agnoscimus, qui unum spiritum bibimus sanctitatis, qui de uno utero ignorantia ejusdem ad unam lucem expavimus veritatis.*

30. Secundo Ecclesia dicitur una, ratione finis, nempe aeternæ beatitudinis, quam omnia Ecclesiæ membra sperant. Unde ait Arnobius Apologia contra Gentes: *Frates sumus, quia ad eandem hereditatem, nempe aeternam beatitudinem aspiramus.*

31. Tertiò dicitur una, ratione unitatis mediorum, tam internorum (qualia sunt fides, spes, & charitas) quam externorum, nempe sacramentorum, sacrificij Eucharistiae, & legis Evangelicæ. De unitate fidei dicitur ad Ephel. 4. *Donec occurramus omnes in unitatem fidei, & agnitionis Filij Dei.*



DISPUTATIO TERTIA

Unitas spei constat ex eodem Apostolo ibidem dicente: *Vnum corpus & unus Spiritus, sicut vocati estis una spe vocationis vestra.* Quia de causa, inquit Augustinus in Psal. 140, cum haec vox sit omnium Martyrum, *Dissipata sunt ossa nostra, in pluri-
ali clamatis.* *Ad te Domine, Domine, oculi mei, quia in te speravi.* Unitas charitatis infinitatur. *Aeternum.* *Credentium erat cor unum & anima una in Domino,* quia (inquit Glossa) copula charitatis in unum jungitur; sicut olim in celebri Cyzici delubro, lapides omnes filo aureo colligabantur, ut refert Plinius lib. 36, cap. 15. Hujus unitatis egregiam afferat Bannez rationem: *Quod tribuit alicui bonitatem (inquit) illud eidem secundum Platonicos tribuit unitatem; bonitas quippe rem ipsam in qua est conservat & perficit: At nihil in esse conservatur, nisi per hoc quod est unum: nam divisa & segregata cito pereunt & dissolvuntur;* Igitur cum charitas Ecclesiae bonitatem & perfectionem tribuat, eidem etiam unitatem confert. Quantum ad unitatem sacramentorum, Apostolus eam infinitatur ad Ephes. 4, sub nomine Baptismi, qui est reliquum Sacramentorum janua, dum ait: *Vnus Dominus, una fides, unum baptisma.* De unitate vero sacrificij ait ad Corinth. 10. *Vnus panis & unum corpus multi sumus, omnes qui de uno pane & de uno calice participamus.* Item de unitate legis & ceremoniarum dicit ad Ephes. 4. *Ipsa est pax nostra, qui fecit iuraque unum, & medium parietem maceria solvens, ini-
micitiis in semetipso, legem mandatorum decretis evacuans, ut duos condat in semetipsum in unum novum hominem.* Quibus verbis significat, populum Iudaicum & Gentilem (qui diversi erant propter maceriam legum & praeceptorum, quo utroque inter se dividebat) fuisse coniunctos per Christum, qui hanc maceriam destruxit, & omnes sub lege Evangelica adunavit.

^{32.} Quartò Ecclesia est una, ratione unius ejusdem capitis visibilis, nempe Pontificis Roma sedantis, qui per totam Ecclesiam supremus omnium fidelium Pastor agnoscitur: per ordinem quippe ad eum, omnes fideles toto orbe diffusi ununtur, & ab omnibus hereticis & schismaticis discernuntur. Hanc autem unitatem infinituavit Christus Joan. 10. *Alias oves habeo que non sunt ex hoc ovili, & illas oportet me adducere, & fieri unum ovile, & unus pastor:* & Cyprianus, cum dixit Ecclesiam esse gregem, & plebem suo pastori adunatam, quod de Ecclesia in nova lege debet intelligi: nam Ecclesia ante adventum Christi tam unitatem non habuit; tum quia Gentibus que fideles erant, & Judæis, non praerat unus Pontifex: tum etiam quia Gentes ipsa, ut recte docet Bannez, nullum sibi caput visibile, à quo in mysteriis fidei edocerentur, agnoscabant, sed vel per lumen quoddam interiori, vel à parentibus, vel ab aliis sibi æqualibus instruebantur.

^{33.} Quintò Ecclesia dicitur una, unitate corporis mystici: quia sicut ex diversis & eterogenenis partibus unum corpus naturale resultat, ita ex omnibus fidelibus, fide, & sacramentorum, ac Divinorum & Ecclesiasticorum præceptorum vinculo inter se conjunctis, unum corpus mysticum efficitur: & hujus mystice unionis beneficio, fideles omnes in bonis spiritualibus inter se communiant, unus pro altero satis facit, suis orationibus juvat, & in summa, omnia bona sua opera illi aliquo pacto applicat, juxta illud Prophetæ: *Particeps ego sum omnium timentium te;* & istud Apostoli: *Adimpleo qua desunt passioni Christi in cor-*

^A pore meo, pro corpore ejus, quod est Ecclesia, id est pro omnibus fidelibus, quibus universos labores à me in Evangelij prædicatione toleratos communico. Unde præclarè Bannez verba hæc Cantic. 4. *Greges tuū sicut greges tonsarum, que ascendunt de lavacro, omnes gemellis fratibus, & steriles non est inter eas,* de Ecclesia, seu de omnibus fidelibus explicat: siquidem oves sunt fideles, qui de lavacro baptismi ad gratiam ascenderunt sunt autem hæc oves fratres, & fecundæ, quia quisque fidelium, partem suorum meritorum, sicut unque satisfactionum, in communem aliorum utilitatem effundit: quare Glossa interlinearia ait, quod nec illi inter steriles deputantur, qui abluti statim ex hac vita rapiuntur; habuerunt enim sobolem fidei, quam vel ipsi pro se, vel aly pre ipsis confessi sunt; habuerunt etiam votum bona operationis, quod inter oves Christi, sexpediatissimis, socialiter exercissentur. Ubi nota particularia hanc Socialiter, quia scilicet illi, si diutius vixissent, in communem Ecclesiam utilitatem sua opera meritoria transfundissent. Unde Tertullianus Apologet. 39. *Trahe quia animo animaque misericordia, nihil de rei communicatione dubitamus: omnia indiscreta sunt apud nos, prater uxores: in hoc solo consortium fu-
gimus.*

C

§. II.

Secunda nota vera Ecclesia, Sanctitatis.

^B Christi Ecclesiam sanctam esse docet Scriptura variis locis: nam Cantic. 4. de Sponsa Christi, quæ est Ecclesia, sic dicitur: *Quæ est ista quæ progrediatur, quasi aurora confurgens, pulchra ut luna, electa ut Sol?* Ad Ephes. 5. *Viri diligite uxores vestras, sicut & Christus dilexit Ecclesiam, & seipsum tradidit pro ea, ut illam sanctificaret.* Ad Titum 2. *Dedit semetipsum pro nobis, ut nos redimeret ab omni iniquitate, & mundaret sibi populum acceptabilem, sectatorem bonorum operum.* Ad Roman. 1. *Omnibus qui Roma sunt vocatis sanctis, hoc est ad sanctitatem colendam, quam in baptismo profecti sunt.* Denique 1. Petri 2. *Christiani appellantur Genus electum, regale Sacerdotium, gens sancta.*

^C Hæc vero sanctitas Ecclesie consistit primò in puritate fidei, seu immunitate ab omni errore in doctrina quam proficitur; & ea de causa Apostolus ad Roman. 1. fideles appellat sanctos, secundum expositionem Chrysostomi in hæc verba, *vocatis sanctis.* Similiter Augustinus in Psal. 85, ait quilibet fidelem dicere posse: *Quoniam sanctus sum;* quod certè de sanctitate fidei tantum potest significari, cum constet quamplurimos fideli carere sanctitatem morum. Secundò consistit in sanctitate vite, quâ prædicti sunt qui se illius doctrina conformant: Ecclesia namque à licentia peccandi avertit, & ad probitatem mortum, vitæque sanctitatem impellit, ad illamque multum re ipsa promovet. Tertiò Ecclesia est sancta, quia tota est divino cultui consecrata, ejusque sacramenta, instituta, ritus, & ceremonia, sanctitatem undeque redolent; & quia amor charitatis est veluti lex Salica Christianismi, de qua dicitur Psal. 18. *Lex Domini immaculata:* id est lex charitatis dicitur lex Domini, non solum quia illam inscribit cordibus nostris, sed etiam, quia ex illa vivit & agit, ut elegantissime prosequitur D. Bernardus Epistola ad Carthusianos.